

ARCHIEF NOORD-HOLLAND

KLOOSTER ARCHIEF ST. JANSHEREN

TE HAARLEM

OUD INVENTARIS NUMMER ?

NIEUW INVENTARIS NUMMER 188

CHARTER BETREFFENDE

VERHUURD LAND TE LEIDERDORP

St. LUCASAVOND 1431

BEWERKING DOOR

ANTHONIUS VAN DER TUIJN

TE RHOON

Voor eventuele vragen, opmerkingen en verbeteringen (anthonius@alice.nl).

Als u gegevens uit deze bewerking gebruikt voor genealogische of historische doeleinden, dient een verwijzing naar deze bewerking vermeld te worden. Bij gebruikmaking van gegevens uit deze bewerking ten behoeve van publicaties, in welke vorm dan ook, moet een adequate bronvermelding naar deze bewerking worden vermeld.

Wij Jacop Lambrechtsz. ende Dirc Heinricxz. doen kondt allen luden dat wij ghehuurt hebben mit ghesamender hant teghens broeder Gherijt van Schoten commenduer Sinte Jans tot Haerlem 17 morghen lants, luttel min of meer bij den hoep sonder maet die gheleghen sijn tot Leijderdorp, tien jaer lanc, tsiaers om neghentien nobels een gouden vranck croen ende een gouden wilhelmus schilt lest gesleghen, voir elken nobel gherekent off pajment hore wairde ende drie scellingen van elken marghen siairs verlorems ghelts. Ende dese voirscreven renten gheloven wij Jacop ende Dirc voirscr. mit ghesamender hant ende elc voir al wel te betalen alle jair tot Voerscoten ende Valkenburgher marcten. Ende dese huerwaer sel ingaen als men scrijft dusent vierhondert ende vier ende dertich, duerende dair nae tien jair lanc. Ende des sel dit voirscr. lant dat laetste jaer dreesch legghen. Ende om ghebrec willen van onsen zeghelen so hebben wij ghebeden Mouwerijn van der Does dat hij desen brief over ons bezegelen wil. Ende ic Mouwerijn van der Does om beden willen van Jacop Lambrechtsz. ende van Dirc Heijnricxz., so heb ic desen brief bezeghelt mit minen zeghel. Int jaer ons heren dusent vierhondert een ende dertich op Sinte Lucas avont.